



# CENTAR ZA KULTURU DIJALOGA



## SAOPŠTENJE ZA JAVNOST

### PRVA JAVNA DEBATA-PRIJEDLOZI I PREPORUKE

«Počinioci i žrtve krivičnih djela su naša djeca- Spriječimo maloljetničku delikvenciju»

Hotel "Bosnia", 15.02.2008. 14:00-18.30

CKD je sa predstavnicima vlasti, tužilaštva, sudstva, MUP-a, Ministarstva obrazovanja KS, NVO-ima, vijećima roditelja, vijećima učenika, građanima... a uz podršku Prvog zamjenika visokog predstavnika u BiH gospodina Rafija Gregorijana upriličio prvu javnu debatu povodom eskalacije nasilja u Sarajevu i šire.

Debati je prisustvovalo preko 250 učesnika, koji su nakon uvodnih panela jasno artikulirali probleme i preporučili mjere akcije u narednom periodu. Prva, i možda najbitnija preporuka se odnosi na neophodnost monitoringa u narednom periodu, kako bi javnost bila upoznata sa odnosom vlasti prema njihovim zahtjevima, s obzirom da je jedna od najčešće korištenih riječi koja je dolazila iz nevladinog sektora tijekom debate bila ODGOVORNOST.

Debata nije imala za cilj pozivati na odgovornost političke partije, podsticati politička međustranačka razračunavanja, već konačno javno pozvati na odgovornost sve koji su mogli i trebali rješavati probleme nasilja i delikvencije, a to nisu do sada učinili, i identificirajući instance odgovornosti predložiti mjere za prevazilaženje problema. Nažalost u javnosti se uobičajeno čuju, ali i u jednom dijelu debate mogli su se čuti, generalizirajući stavovi: neko je odgovoran, društvo je odgovorno, vlasti su odgovorne, građani su odgovorni... Odgovornost se ne odnosi na apstraktne cjeline, već je uvijek jasno fokusirana. Odgovornost o kojoj je bilo riječi na debati podrazumijeva i zahtjev za podnošenjem računa «očima javnosti» što nije praksa komuniciranja bh. vlasti sa građanima. Ovom debatom se nastojao uvesti jedan novi model u saradnji i komuniciranju vlasti i civilnog društva. CKD se javno obavezao organizirati II javnu debatu 15.3.2008. godine.

Preporuke debate adresirane na Vladu Federacije BiH, Vladu Kantona Sarajevo, Grad Sarajevo su sljedeći:

- ◆ U medijima objaviti spisak ugostiteljskih objekata u kojima se učestalo dešavaju evidentirani incidenti- nasilje i sukobi
- ◆ Izuzeti Zakon o Zavodima iz paketa zakona o socijalnoj zaštiti koji nisu regulirani
- ◆ Tražiti javno saopćenje na narednoj debati od Federalnog ministarstva pravde i Ministarstva sigurnosti i Ministarstva za ljudska prava u vezi sa statusom i situacijom u odjeljenju za maloljetnike u KP Zenica
- ◆ Ojačati saradnju: obitelj-škola-policija-centri za socijalni rad-NVO-specijalizirane društvene institucije sa cilje razvoja sigurnosti
- ◆ Identificirati pojedinačnu odgovornost ne objavljivanja Strategije za prevenciju maloljetničke delikvencije
- ◆ Verificirati Strategiju za prevenciju mlaoljetničke delikvencije i promptno je početi primjenjivati
- ◆ Naredni odobreni projekti treba da budu u skladu sa strategijom
- ◆ Donijeti HITNO Zakon o izvršenju sankcija
- ◆ Hitno pooštriti zakonske mjere za počinioce krivičnih djela na nivou Kantona
- ◆ Uspostaviti komisije za pitanja mladih pri općinskim vijećima, Gradu i Kantonu, a tamo gdje postoje dati mnogo veći značaj uvezivanjem volonterskog rada i slobodnog vremena
- ◆ Obezbijediti sredstva za vannastavne aktivnosti- škole otvoriti besplatno za učenike subotom i nedjeljom
- ◆ Učenicima obezbijediti besplatno korištenje sala za tjelesni odgoj
- ◆ Vratiti oduzete parkove i igrališta djeci
- ◆ Pokrenuti inicijativu za izmjene i dopune pedagoških standarda sa ciljem kvalitetnijeg posvećivanja odgojnoj komponenti
- ◆ Rasteretiti nastavne planove i programe

- ◆ **Smanjiti broj predmeta u osmom razredu osnovne škole**
- ◆ **Povećati odgovornost medija prema informacijama koje se odnose na kriminogene skupine i kriminal općenito u cilju smanjenja afirmiranja ovih pojava**
- ◆ **U svim školama održati sastanke i predavanja na temu maloljetničkog prijestupništva**
- ◆ **Formirati vijeća roditelja osnovnih i srednjih škola na nivou Kantona**
- ◆ **Hitno pristupiti realizaciji «Akcionog plana prevencije u Kantonu Sarajevo u segmentu odgoja i obrazovanja» usvojenu na sastanku direktora i pedagoga Kantona Sarajevo održanom 14.2.2008. godine u Katoličkom školskom centru Sv. Josip u Sarajevu a na prijedlog Ministarstva obrazovanja i nauke KS**
- ◆ **Hitno pristupiti realiziranju zaključaka sa istoga sastanka**

#### **Preporuka NVO-ima**

- ◆ **U narednoj debati 15.3.2008. ući u otvoreni dijalog sa Vladom KS i Gradom sa ciljem uspostavljanja dvosmjerne komunikacije**
- ◆ **U smislu povećanja kvaliteta komunikacije i zajedničkog djelovanja NVO-i također trebaju povećati informiranje institucija vlasti o aktivnostima**

**Navedene dokumente: «Akcioni plan prevencije u Kantonu Sarajevo u segmentu odgoja i obrazovanja» i Zaključci sa sastanka direktora možete pogledati na web stranici CKD-a: [www.ckd.edu.ba](http://www.ckd.edu.ba)**

**SARAJEVO, 16.2.2008. godine**